

Mapudungun - Agape Wirin Chillka - God's Love Letter Scriptures

Juan 15:9 Feymew feypiwayiñ iñche piwkeyewiyiñ ta eymün chumngechi iñche ñi Chaw piwkeyeenew ta iñche. Mülemün may tamün kiñewkülen iñche mew femngechi tamün rumel piwkeyewafiel.

Isaia 43:1,2 - Efesio 2:10 Fey Ngünechen müten ta dewmaeiñmew. Kisú ta femkünueiñmew ta Cristo Jesus mew, femngechi taiñ femael kümeké dungs chumngechi ta kisu ñi wüne adkünuel ta kuyfi mew.

Jeremia 1:5 - Galata 1:15 Welu Ngünechen dullintuenew ta iñche petu ñi choyüngenon rume, fey kisu tañi fentren piwkeyen mew müträmenew ta iñche.

Juan 15:16 Eymün dullimulan ta iñche, welu iñche may ta dulliwiyiñ ta eymün, feymew werküwiyiñ tamün müleael ti pu che mew ka tamün wülael reke rume fentren fun femngechi tamün tuteafiel ta Chaw, fey üyechi fun rumel müleay. Fey famngechi femülmün, ta Chaw eluaeyümnmew kom tamün ngillatufiel iñche ñi üy mew.

3 Juan 1:2 Sakin peñi, ngillatukefiñ ta Ngünechen chumngechi tami kümellunieetew Ngünechen ñi Lif Kümé Püllü, ka femngechi tami kümé amuleael itrokom dungs mew ka tami külfünküleael.

Isaia 43:4 - 1 Pedro 2:9,10 Welu eymün ta kiñe dullin reñmache, kiñe mufü trawülechi saserdote ñi poyeafiel tati longko ülmen, kiñe lif piwke trokiñche, kiñe trokiñche nielu kümé felen Ngünechen ñi duam. Fey tüfa Ngünechen femkünueymünmew tamün kimelael kisu tañi afmatufal füreñechen, fey eymün tati dumiñ mew reke mülekelu dullingeyüm tamün tripatuael dumiñ mew femngechi tamün mületuael kisu ñi afmatufal pelon mew. 10 Eymün ta kuyfi mew kiñe dullin trokiñchenofel, welu fewla Ngünechen ñi dullin trokiñchengetuymün. Kuyfi mew kimkelafuymün Ngünechen tañi kutranpiwkeyeñeken, welu fewla kimtuymün kisu ñi kutranpiwkeyeñeken.

Jeremia 31:3 - Efesio 1:4 Ngünechen ta dullieiñmew ta Cristo mew petu ñi dewmangenon rume ta mapu, femngechi taiñ müleael kisu mew, taiñ nieael nor mongen ka taiñ nienoael chem yafkan no rume.

2 Timotew 1:9 Ngünechen ta montuleiñmew ka dullieiñmew taiñ lif mongen geael kisu mew, iñchiñ taiñ kisu ngünewün femelchi dungs mew no, welu may kisu tañi ayuelchi dungs mew, fey iñchiñ am piwkeyeetew ta Cristo Jesus mew, fey Ngünechen am ta piwkeyeetew ta iñchiñ petu ñi dewmangenon rume ta mapu.

Juan 3:16 "Fey tüfa ta feyngrey Ngünechen am rume piwkeyefilu ta kom mapu

mew mülechi pu che, feymew wüli ñi kiñen Fotüm femngechi kom tati feyentulu kisu mew chumkawnorume ñi lanoael, welu may ñi nieael ta rumel mongen.

Osea 11:8; Isaia 49:15,16; & Isaia 41:13,14

Luka 12:32 "Llükalekilmün, iñche ñi pu ufisa reke felelu. Eymün ta pichinngeymün, welu ta Chaw Ngünechen kisu ñi kuñillchen mew, ayüley tamün eluaetew kisu ñi ülmen mülewe.

Matew 28:20 ka kimeltuafimün tañi feyentuael engün kom iñche tamün werküwkefiel ta eymün. Iñche rumel mülean ta eymün mew, tunte afllele rume ta mapu. Felepe may.

Juan 14:1 "Weñangkülekilmün ta eymün tamün feypiwfielchi dengu mew. Feymew feley tamün maneluwael ta Ngünechen mew ka tamün maneluwael ta iñche mew.

Salmo 23:1 - Juan 10:11 "Iñche tati küme kamañkefilu ti ufisa. Tati kamañkefilu ti ufisa wülkey ñi mongen kütu ñi pu ufisa mew.

Salmo 23:2 - Apokalipsi 7:17 Fey ti Korderu, mülelu ti longko ülmen wangku ñi rangiñ mew, kamañnieaeyew ta ufisa reke, ka eluaeyew fentren ko tati wükelu rumel mongen, fey Ngünechen ngüdulluñmayaeyew kom ñi külleñu ñi nge mew."

Salmo 23:3,4 - Luka 1:79 femngechi ñi pelontulelafiel reke ñi kimeltun mew tati müleyelu feyti doy wesake dengu mew dumíñ reke felelu, ka taiñ küme ngülamtupayaetew taiñ küme amuleael feyti küme tüngüngechi rüpü mew."

Salmo 23:5,6 - 2 Korintio 1:10 Fey Ngünechen ta montuleiñmew ka amuleay taiñ montulnieaetew tati fütra kuñiwüngechi dengu mew. Fey maneluwküleiñ taiñ amul montulnieaetew

Filipense 4:7 Fey ta famngechi ta Ngünechen eluaeyümnmew kisu tañi küme tüngün, fey tufachi fütra küme tüngün ta doy kümey che ta pepil-layafuy ñi nieael ta küme tüngün, fey Ngünechen tamün eluetewchi küme tüngün yafülnieñmayaeyümnmew tamün piwke ka tamün rakiduam, eymün am kiñewkülelu ta Cristo Jesus mew.

Proverbio 3:24 & Salmo 4:8 - Juan 14:27 "Fey amutuli, eleluwayiñ küme tüngün. Eleluwayiñ iñche ñi küme tüngün, welu eleluwayiñ chumngechi ñi wülen tufey engün tati mülelu mapu mew. Weñangkülekilmün ka llükakilmün rume.

Salmo 33:18 - 1 Pedro 3:12 Ñidol am kuydakefilu tati nor mongengngelu ka allkütuñmakefi tañi ngillatun, welu küme duamtukelafi tati wesake mongen nielu."

Romanu 5:2 Fey Cristo ñi duam, rüf feley taiñ llowael Ngünechen ñi fürenechen tati mupiltun mew, feymew ka ayüwkülen maneluwküleiñ taiñ koneltuael Ngünechen tañi fütra pepiluwün mew.

Isaia 55:12 - Luka 19:40 Welu Jesus llowdungueyew: Iñche feypiwayiñ tüfa

engün dungunole, tati pu kura wiraray.

Juan 16:22 Ka femngechi tati eymün ta weñangküleymün ta fewla, welu iñche wiñome pewtuayiñ, feymew wüla fentren ayüwün nietuay tamün piwke, fey iney no rume müntuñmalayaeyümünmew tamün ayüwün.

Luka 12:9 Welu tañi llumumaetew ta iñche tati pu che mew, ka femngechi llumumayafiñ Ngünechen ñi pu werken püllü mew.

Matew 10:30/31 Feymew ta llükakilmün. Fey eymün tamün kal longko kütu ta rakinieñmaeyümünmew re kiñeke, eymün am doy falilu fentren pichike üñüm mew.

Isaia 54:10 - Matew 24:35 Wenu mapu ka nag mapu ta ngewetulayay, welu iñche tañi dengu chumkawnorume katrütungelayay. Itrokom mupiay tañi chem pilen.

Matew 11:28-30 "Feymew küpamün iñche mew kom eymün tati kansalelu tañi küdaw mew ka fanetulelu, fey iñche ta kansatuluwayiñ. 29 Ayütufimün tati yuku tamün tukuleluwfiel, ka inakintuaymün ta iñche mew, iñche am ñom piwkengelu ka mallmangelan rume, fey ta famngechi kansatuaymün. 30 Iñche ñi yuku tamün tukuleluwfiel fanelay yen mew ka küdawngelay tamün eluwfieldchi dengu" pi.

Cantares Salomon 2:10 & Osea 2:14,19,20

2 Korintio 11:2 Chumngechi ta Ngünechen llükantukuniekefi ta kom che ñi inanoafiel wesake dengu, ka femngechi iñche llükantukuniewiyiñ ta eymün. Iñche lle ta famtukuwpayiñ ta Cristo mew kisu ñi ngengetuael ta eymün mew, kureyeelchi domo reke, fey ayülen tamün pengeluwpwuafiel kisu mew kiñe lif piwke mew adelkawkülechi üllchadomo reke.

Exodo 3:14 - Ebrew 13:8 Jesucristo ta wiya mülekelu, fachantü ka rumel.

Osea 13:4 - Hecho 4:12 "Kom mapu mew ngelay kangelu Montulchefe, Ngünechen am üytunofilu kangelu. Jesus mew müten müley montun."

Juan 15:14 Eymün ta iñche ñi pu weni, fey femülmün iñche tamün werküwkefiel.

Juan 14:6 Jesus llowdungueyew: Iñche ta rüpu reke felen, ka rüfngechi dengu ka mongen, iñche mew pepi puwünngrey ta Chaw mew. Iñche mew müten feyentulu amuay ta Chaw mew.

Apokalipsi 3:20 Ngüneduamnge, iñche ta petu mütrümün wülnigiñ mew. Iney rume allküñmaelimew tañi mütrümün, fey nülale tañi wülnigiñ, konpuan kisu ñi ruka mew, fey kiñentrür iyayu.